

ՊԱՅՄԱՆԱԳԻՐ N ՀՀՀ-ՄԱԾՁԲ-22/98-Պ

ք. Երևան

25-ը նոյեմբեր 2022թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Հովհաննես Մովսիսյանի, ով գործում է ընկերության Կանոնադրության հիման վրա, մի կողմից, և

«ԹԻ ՔԵՅ ԷՆ ԷՆԹԸՐԹԵՅՆՄԸՆԹ» սահմանափակ պատասխանատվությամբ ընկերությունը (այսուհետ՝ Կատարող), ի դեմս տնօրեն Դավիթ Բադայանի, ով գործում է ընկերության Կանոնադրության հիման վրա, մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԸՆԴՀԱՆՈՒՐ ՊԱՅՄԱՆՆԵՐԸ

- 1.1. Սույն Պայմանագրով Կատարողը պարտավորվում է Պատվիրատուի պատվերով մատուցել «Մանկական Եվրատեսիլ 2022» երգի միջազգային մրցույթի շրջանակներում թեմատիկ երգի (այսուհետ նաև՝ Երգ) երաժշտության հեղինակի, թեմատիկ երգի գործիքավորման (8 ռոպե տևողությամբ, երաժշտական գործիքների ձայնագրության ապահովման, բեք վոկալիստների ձայնագրության ապահովման, 16 երկրների կողմից ուղարկված ձայնագրությունների մշակման, ինչպես նաև Երգերի միքս-մասթերինգի ծառայությունները (այսուհետ՝ Ծառայություններ և/կամ երգեր) սույն Պայմանագրով սահմանված կարգով և Կողմերի կողմից համաձայնեցված ձևաչափով և եղանակով հանձնել Պատվիրատուին, իսկ Պատվիրատուն պարտավորվում է ընդունել պատշաճ մատուցված Ծառայությունները և վճարել դրանց դիմաց սույն Պայմանագրով սահմանված կարգով, չափով և ժամկետում:
- 1.2. Երգի կատարման և 1.1 կետում նշված ծառայությունների նկատմամբ բոլոր բացառիկ գույքային իրավունքները ՀՀ օրենսդրությամբ նախատեսված առավելագույն ծավալով, առանց տարածքային սահմանափակման և համապատասխան իրավունքների գործողության ամբողջ ժամանակահատվածում, պատկանում են Պատվիրատուին: Սույն կետով նախատեսված իրավունքները ծագում են Կողմերի միջև համապատասխան հանձնման-ընդունման ակտի ստորագրման պահից:
- 1.3. Կատարողը երաշխավորում է, որ Ծառայությունները կմատուցվեն առանց անօրինական ներգործության կամ այլ ստեղծագործությունների անօրինական օգտագործման, և որ Երգի թարգմանության, խմբագրման, ձայնագրման, գործիքավորման ժամանակ չեն օգտագործվի մտավոր գործունեության այնպիսի արդյունքներ, որոնք ստեղծվել կամ ստեղծվում են այլ պատվիրատուների համար, բացառությամբ այն դեպքերի, երբ այդպիսի օգտագործումն օրենքով սահմանված կարգով համաձայնեցված է իրավատերերի հետ և չի խախտում երրորդ անձանց իրավունքները:
- 1.4. Ծառայությունների մատուցման շրջանակներում Երգում Կատարողի կողմից օգտագործվող հեղինակային իրավունքների և հարակից իրավունքների օբյեկտների օգտագործման իրավաչափության համար պատասխանատվությունը կրում է Կատարողը:
- 1.5. Կատարողը պարտավոր է ապահովել Երգի համապատասխանությունը ՀՀ քաղաքացիական օրենսգրքի, «Տեսալսողական մեդիայի մասին» ՀՀ օրենքի, «Գովազդի մասին» ՀՀ օրենքի, «Հեղինակային և հարակից իրավունքների մասին» ՀՀ օրենքի և կիրառելի այլ իրավական ակտերի պահանջներին:
- 1.6. Պայմանագրով սահմանված Ծառայությունները մատուցվում են 2022թ. նոյեմբերի 25-ից մինչև 2022թ.-ի դեկտեմբերի 9-ը ներառյալ:

- 1.7. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները, համաձայնությունները և միջոցները:

2. ԾԱՌԱՅՈՒԹՅՈՒՆՆԵՐ ԱՐԴՅՈՒՆՔԻ ՀԱՆՁՆՄԱՆ-ԸՆԴՈՒՆՄԱՆ ԿԱՐԳԸ

- 2.1. Սույն Պայմանագրով նախատեսված Ծառայությունների արդյունքը Կատարողը սույն Պայմանագրով սահմանված կարգով և Կողմերի կողմից համաձայնեցված ձևաչափով և եղանակով Պատվիրատուին է ներկայացնում Կողմերի միջև համաձայնեցված մասնավոր ժամկետներում, բայց ոչ ուշ, քան սույն Պայմանագրով Ծառայությունների մատուցման համար սահմանված ժամկետի վերջին օրը:
- 2.2. Երգը/Ծառայությունների արդյունքը Պատվիրատուին ներկայացնելուց հետո 2 (երկու) աշխատանքային օրվա ընթացքում Պատվիրատուի ներկայացուցիչը ստուգում է Երգի տեխնիկական չափանիշների համապատասխանությունը Կատարողի հետ ձեռքբերված համաձայնություններին:
- 2.3. Ծառայությունների հանձնում-ընդունումն արձանագրվում է Կատարողի կողմից ներկայացվող հանձնման-ընդունման ակտի և հաշիվ-վավերագրի հիման վրա:
- 2.4. Սույն Պայմանագրի 2.3 կետին համապատասխան Երգի/ Ծառայությունների արդյունքի տեխնիկական չափանիշների ստուգման արդյունքում թերություններ չհայտնաբերելու դեպքում Պատվիրատուի ներկայացուցիչը հաստատում է հանձնման-ընդունման ակտը և հաշիվ-վավերագիրը: Ընդ որում, սույն Պայմանագրի շրջանակներում հանձնման-ընդունման ակտի և հաշիվ-վավերագրի հաստատման օր է համարվում դրանց վրա Կողմերից վերջինի ստորագրության (կնիքի առկայության դեպքում նաև կնքման) օրը:
- 2.5. Սույն Պայմանագրի 2.3 կետին համապատասխան Երգի տեխնիկական չափանիշների/Ծառայությունների արդյունքի ստուգման արդյունքում թերություններ հայտնաբերելու դեպքում, Երգը/Ծառայությունները Պատվիրատուի կողմից չի ընդունվում, Պատվիրատուն տեղեկացնում է Կատարողին թերությունների մասին, որոնք ենթակա են վերացման ողջամիտ ժամկետում, բայց ոչ ուշ, քան Ծառայությունների մատուցման համար սույն Պայմանագրով սահմանված ժամկետի վերջին օրը և/կամ ձեռնարկում սույն Պայմանագրով և ՀՀ օրենսդրությամբ նախատեսված այլ միջոցներ:
- 2.6. Այն դեպքում, եթե Պատվիրատուն սույն Պայմանագրի 2.3 կետում նշված ժամկետում չի հաստատում հանձնման-ընդունման ակտը և Կատարողին չի ներկայացնում դրա հիմնավորումը, ապա հանձնման-ընդունման ակտը համարվում է հաստատված Պատվիրատուին ներկայացնելու ամսաթվով և Պատվիրատուն պարտավորություն է կրում վճարելու Պայմանագրով նախատեսված գումարը:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 3.1. **Պատվիրատուն իրավունք ունի՝**
- 3.1.1. Օգտագործել Երգերի կատարումը, Ծառայությունը սեփական հայեցողությամբ, ինչպես նաև երրորդ անձանց արգելել կամ թույլատրել օգտագործել Երգը՝ ՀՀ օրենսդրությամբ չարգելված ցանկացած եղանակով,
- 3.1.2. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետում,
- 3.1.3. Հետևել Ծառայությունների մատուցման ընթացքին և որակին՝ առանց միջամտելու Կատարողի գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 3.1.4. Սույն Պայմանագրով իր ակնկալված արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,
- 3.1.5. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև Ծառայություններն ընդունելիս,
- 3.1.6. Միակողմանիորեն լուծել սույն Պայմանագիրը և Կատարողից պահանջել հատուցել Պատվիրատուին պատճառված վնասները՝ ներառյալ բաց թողնված օգուտը, եթե՝

- I. Կատարողը խախտել է սույն Պայմանագրով Երգի կատարման համար սահմանված բնութագիրը և ողջամիտ ժամկետում իր հաշվին չի շտկել նշված թերությունը կամ խախտման բնույթից ակնհայտ է, որ այն չի կարող շտկվել ողջամիտ ժամկետում,
- II. Կատարողը սույն Պայմանագրով սահմանված ժամկետում չի ներկայացրել Երգը,
- III. Կատարողն այլ կերպ թույլ է տվել սույն Պայմանագրի էական խախտում:

3.2. Պատվիրատուն պարտավոր է՝

- 3.2.1. Ողջամտության սահմաններում Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, բայց չսահմանափակվելով, նշանակել Պայմանագրի կատարման համար պատասխանատու կոնտակտային անձ, ով Կատարողի հետ կհամաձայնեցնի Երգի փոխանցման ձևաչափը և եղանակը և այլն,
- 3.2.2. Սույն Պայմանագրով նախատեսված կարգով և ժամկետում ընդունել սույն Պայմանագրին համապատասխան Կատարողի կողմից պատրաստված Երգը, իսկ թերություններ հայտնաբերելու դեպքում՝ այդ մասին հայտնել Կատարողին,
- 3.2.3. Վճարել Կատարողին պատշաճ մատուցված Ծառայությունների դիմաց՝ սույն Պայմանագրով սահմանված կարգով, չափով և ժամկետում:

3.3. Կատարողն իրավունք ունի՝

- 3.3.1. Ողջամտության սահմաններում Պատվիրատուից պահանջել ապահովել իրեն սույն Պայմանագրի կատարման համար անհրաժեշտ բոլոր պայմաններով,
- 3.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
- 3.3.3. Պատվիրատուից պահանջել վճարել իր կողմից սույն Պայմանագրի պայմաններին համապատասխան ընդունված Ծառայությունների դիմաց՝ սույն Պայմանագրով սահմանված կարգով, չափով և ժամկետում:

3.4. Կատարողը պարտավոր է՝

- 3.4.1. Ինչպես սոցիալական մեդիա հարթակներում իր պաշտոնական էջերի միջոցով, այնպես էլ որևէ այլ հարթակներում առանց Պատվիրատուի նախնական գրավոր համաձայնության չտարածել որևէ տեղեկատվություն սույն Պայմանագրով մատուցվող Ծառայությունների վերաբերյալ, ներառյալ Երգի հեռարձակման ենթադրյալ ժամկետի կամ Երգին վերաբերող որևէ այլ հանգամանքի վերաբերյալ, ինչպես նաև երաշխավորել Ծառայությունների մատուցման գործընթացում աշխատանքային, ծառայությունների մատուցման կամ որևէ այլ պայմանագրի հիման վրա ներգրավված անձանց կողմից այդպիսի տեղեկատվության գաղտնիության պահպանումը,
- 3.4.2. Ձեռնարկել անհրաժեշտ միջոցներ և հետևել Պատվիրատուի կողմից սահմանված՝ հաղորդաշարի գաղտնիությունը ապահովելու համար նախատեսված պայմաններին: Այդ թվում նաև, բայց չսահմանափակվելով, որևէ պարագայում չհրապարակել/չբացահայտել Պատվիրատուի առևտրային գաղտնիք հանդիսացող տեղեկատվությունը: Սույն կետի իմաստով առևտրային գաղտնիք է համարվում «Դիմակահանդես» հաղորդաշարի հետ որևէ կերպ առնչվող ցանկացած տեղեկատվություն, ցանկացած փաստաթուղթ կամ ինֆորմացիայի ցանկացած կրիչ, որը Կատարողին /այդ թվում նաև նրա աշխատակիցներին, կամ ցանկացած այլ անձի, որը Կատարողի թույլտվությամբ կարող է ստանալ որևէ տեղեկություն առևտրային գաղտնիքի մասին/ հայտնի է դարձել (որը Կատարողը ձեռք է բերել) Կատարող հանդիսանալու շնորհիվ (այսինքն, Կատարողը չէր կարողանա օրինական ճանապարհով ծանոթանալ այդ տեղեկատվությանը (կամ ձեռք բերել այն), եթե սույն Պայմանագրի կողմ չհանդիսանար):
- 3.4.3. Ձեռնարկել ողջամիտ և բավարար միջոցներ, որոնք կբացառեն առևտրային գաղտնիք կազմող տեղեկատվության՝ երրորդ անձանց համար հասանելի դառնալը:
- 3.4.4. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ: Սույն կետի իմաստով երրորդ անձ է համարվում Կատարողի կողմից սույն Պայմանագրով սահմանված

Ծառայությունների կամ դրա առանձին գործողությունների պատվիրակման դեպքում որպես կողմ հանդես եկող կոնտրագենտ(ներ)ը:

- 3.4.5. Ծառայությունները մատուցել պատշաճ որակով, ՀՀ օրենսդրության պահանջներին, ինչպես նաև Ծառայությունների մատուցումը կարգավորող կիրառելի նորմերին, կանոններին և ստանդարտներին համապատասխան,
- 3.4.6. Ծառայությունները մատուցել ամբողջությամբ, իսկ արդյունքները Պատվիրատուին հանձնել սույն Պայմանագրով սահմանված ժամկետում և կարգով,
- 3.4.7. Հետևել սույն Պայմանագրի պայմանների սահմաններում Պատվիրատուի տված ողջամիտ ցուցումներին,
- 3.4.8. Աջակցել Պատվիրատուին Ծառայությունների մատուցման ընթացքը և որակը ստուգելիս, սույն Պայմանագրի 3.1.3 կետով սահմանված կարգով Պատվիրատուի համապատասխան պահանջը ստանալուց 1 (մեկ) աշխատանքային օրվա ընթացքում Պատվիրատուին տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 3.4.9. Աջակցել Պատվիրատուին Ծառայություններն ընդունելիս,
- 3.4.10. Սույն Պայմանագրով սահմանված ժամկետում անհատույց վերացնել Ծառայությունների մատուցման արդյունքում հայտնաբերված թերությունները,
- 3.4.11. Որևէ ձևով չօգտագործել Երգը կամ դրա մասը, ինչպես նաև երրորդ անձանց չտրամադրել նման օգտագործման թույլտվություն՝ առանց Պատվիրատուի նախնական գրավոր համաձայնության,
- 3.4.12. Ամբողջությամբ հատուցել Երգի պատրաստման ընթացքում և հետագայում իր կողմից երրորդ անձանց հեղինակային իրավունքի և հարակից իրավունքների կամ ՀՀ օրենսդրության այլ պահանջների խախտման հետևանքով Պատվիրատուի կրած բոլոր վնասները՝ ներառյալ բաց թողնված օգուտը:

4. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ

- 4.1. Սույն Պայմանագրով նախատեսված Ծառայությունների ընդհանուր արժեքը կազմում է 5 060 000 (հինգ միլիոն վաթսուներեք հազար) ՀՀ դրամը/ ներառյալ բոլոր կիրառելի հարկերը:
- 4.2. Սույն Պայմանագրի 4.1 կետով սահմանված գումարը Պատվիրատուն վճարում է Կատարողի բանկային հաշվեհամարին անկանխիկ փոխանցմամբ հետևյալ ժամանակացույցով.
 - i. Պայմանագրի ընդհանուր արժեքի 50 (հիսուն) %-ը որպես կանխավճար՝ մինչև 2022թ.-ի դեկտեմբերի 2-ը ներառյալ;
 - ii. Վճարման ենթակա ընդհանուր արժեքի մնացած մասը՝ հանձնման-ընդունման ակտի և հաշիվ-վավերագրի երկկողմանի հաստատվելուց 5 (հինգ) աշխատանքային օրերի ընթացքում:
- 4.3. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 4.4. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 5.2. Պատվիրատուի պահանջով Կատարողն իր հաշվին, իր միջոցներով և սույն Պայմանագրով սահմանված ժամկետում պարտավոր է վերացնել մատուցված Ծառայություններում իր մեղքով տեղ գտած թերությունները: Նշված թերությունները սույն Պայմանագրով սահմանված ժամկետում չվերացվելու դեպքում Պատվիրատուն իրավասու է Կատարողից գանձել տուգանք՝ Ծառայությունների ընդհանուր արժեքի 20 (քսան) տոկոսի չափով և սույն Պայմանագրի 3.1.6 կետով սահմանված կարգով լուծել Պայմանագիրը:
- 5.3. Երգը հանձնելու սույն Պայմանագրով սահմանված ժամկետը խախտելու դեպքում Պատվիրատուն իրավասու է Կատարողից գանձել տուգանք՝ Ծառայությունների ընդհանուր արժեքի 20 (քսան) տոկոսի չափով և սույն Պայմանագրի 3.1.6 կետով սահմանված կարգով լուծել Պայմանագիրը:

- 5.4. Պայմանագրի 3.4.1., 3.4.2., 3.4.3. կետերով նախատեսված պարտավորությունները խախտելու դեպքում Պատվիրատուն իրավասու է Կատարողից գանձել տուգանք՝ Ծառայությունների ընդհանուր արժեքի 10 (տասը) տոկոսի չափով:
- 5.5. Մատուցված Ծառայությունների դիմաց վճարելու սույն Պայմանագրով սահմանված ժամկետը խախտելու դեպքում Կատարողն իրավունք ունի Պատվիրատուից գանձել տույժ՝ կետանցի յուրաքանչյուր օրվա համար վճարման ենթակա գումարի 0,1 (զրո ամբողջ մեկ տասնորդական) տոկոսի չափով, բայց ոչ ավել, քան վճարման ենթակա գումարի 5 (հինգ) տոկոսը:
- 5.6. Կատարողը պարտավոր է Պատվիրատուին զերծ պահել երրորդ անձանց կողմից Պատվիրատուին ներկայացված ցանկացած այնպիսի պահանջից, վեճից, հայցից, որոնք Կատարողի կողմից սույն Պայմանագրով ստանձնած պարտավորությունների կամ տրված երաշխիքների խախտման արդյունք են, ինչպես նաև հատուցել նման պահանջի, վեճի կամ հայցի արդյունքում Պատվիրատուին պատճառված բոլոր վնասները՝ ներառյալ բաց թողնված օգուտը:
- 5.7. Տուժանքների վճարումը չի ազատում Կողմերին սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:
- 5.8. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ՖՈՐՍ-ՄԱԺՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են ջրհեղեղը, հրդեհը, երկրաշարժը, փոթորիկը, սողանքը և բնական այլ աղետները, պայթյունը, պատերազմը, ռազմական և արտակարգ դրություն հայտարարելը, քաղաքացիական հուզումները, գործադուլները, հաղորդակցության միջոցների աշխատանքի դադարեցումը, համաճարակները, էմբարգոն, սույն Պայմանագրի էական պայմանները կարգավորող օրենսդրության փոփոխությունները, պետական մարմինների ակտերը և այլն, որոնք անհնարին են դարձնում սույն Պայմանագրով սահմանված պայմաններով պարտավորությունների կատարումը:
- 6.2. Կողմը, որի մոտ ծագել է ֆորսմաժորային իրավիճակ, պետք է առաջին իսկ հնարավորության դեպքում, սակայն ոչ ուշ, քան նման իրավիճակի վրա հասնելուց 10 (տասը) աշխատանքային օրվա ընթացքում ծանուցի մյուս Կողմին նման իրավիճակի առաջացման, իսկ հետագայում նաև բնականոն պայմանների վերականգնման մասին, հակառակ դեպքում կզրկվի ապագայում ֆորսմաժորային իրավիճակը որպես հիմնավորում օգտագործելու իրավունքից:
- 6.3. Ֆորսմաժորային իրավիճակի վերաբերյալ հանդիպակաց Կողմին ծանուցում ուղարկելու պահից Կողմի համապատասխան պայմանագրային պարտավորությունների կատարման պահանջը համարվում է կասեցված մինչև Պայմանագրի կատարման համար բնականոն պայմանների վերականգնումը:
- 6.4. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԵԶՐԱՓՈՒԿ ԴՐՈՒՅԹՆԵՐ

- 7.1. Սույն Պայմանագիրն ուժի մեջ է մտնում երկկողմանի ստորագրման պահից և գործում՝ մինչև Կողմերի համար դրանով նախատեսված պարտավորությունների ամբողջական և պատշաճ կատարումը:
- 7.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:

- 7.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի առանց մյուս Կողմի գրավոր համաձայնության:
- 7.4. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 7.5. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի ներկայացուցիչների կողմից:
- 7.6. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված հիմքերով և կարգով, ինչպես նաև Կողմերի փոխադարձ համաձայնությամբ: Պատվիրատուի նախաձեռնությամբ Պայմանագրի վաղաժամկետ լուծման հետևանքները կարգավորվում են սույն Պայմանագրով և/կամ ՀՀ օրենսդրությամբ՝ կախված այդպիսի լուծման շարժառիթ հանդիսացած հանգամանքներից: Կատարողի նախաձեռնությամբ Պայմանագրի վաղաժամկետ լուծման դեպքում, Կատարողը պարտավոր է ամբողջությամբ հատուցելու Պայմանագրի վաղաժամկետ լուծման հետևանքով Պատվիրատուին պատճառված վնասները:
- 7.7. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով, կամ Կողմերի համաձայնությամբ նախատեսված այլ եղանակներով:
- 7.8. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 7.9. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 7.10. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 7.11. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու

«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26
 ՀՎՀՀ՝ 01540062
 «Ինտերբանկ» ՓԲԸ
 Հ/Հ՝ 2050022082671001

Կատարող

«ԹԻ ՔԵՅ ԷՆ ԷՆԹԸՐԹԵՅՆՄԸՆԹ» ՍՊԸ

Հասցե՝ ՀՀ, ք. Երևան, Տերյան 3 Ա, քն 23 Ա
 ՀՎՀՀ՝ 02830131
 «Ինտերբանկ» ՓԲԸ
 Հ/Հ՝ 2050422360701001

Հովհաննես Մովսիսյան
 Գործադիր տնօրեն

